

ዲሞባቆሜ ዓይያ ካር

የኦሲ ማሊያ ኬኤዛ ዲሞባቆሜ የኦሲ ኪኢቶ ኬኤዜህ ባብሎኔ ካኦታ ዋልቁና ዓኣያ ማዒ ዓጮ ዋይህ ዋዶና፣ ኪሪሰቶሴ ሾይንታንዳህኪ ቤርታ ጂኤቶ ጂኤቶ ሌዖ ፓቂዖኮ ላንካሳ ጂኤቶ ሌዖኮ ጋፒንፃኮ፤ ሃሮ ማፃኣፕሎኮ ዓኣ ላምዖ ዓይያንህ ዲሞባቆሜና ናንጊና ናንጋ ጎዳና ጌስቴ ጌኤሲኬ፤ ዲሞባቆሜ ዪሁዳይዳ ፒዜ ዋጌ ዋጊህ ፓጩህረና ፑርታ ማዶ ማዲንታያሮ ማኪ ጌስቴኔ፤ ናንጊና ናንጋ ጎዳ «ባብሎኔ ዓሳ ዪሁዳ ዴሮ ሜታሳንዳኔ» ጌይ ዒዛም ኬኤዜኔ፤ ዩካፓ ዲሞባቆሜ «ባብሎኔ ዓሳ ዪሁዳ ዓሶፓ ባሽ ጎሚና ማዔያታንቴ ዪሁዳ ዴሮ ዋይቲ ዔያታ ሜታሳኒ ዳንዳዒይ?» ጌይ ናንጊና ናንጋ ጎዳ የኦጩኔ፤ ናንጊና ናንጋ ጎዳ ዲሞባቆሜም፣ «ባብሎኔ ዓሳ ሃጊ ፔ ዋዶና ሜቶ ዔካንዳኔ» ጌይ ማሂ ኬኤዜኔ።

ማፃኣፕሎኮ ጋፒንፃ ዓይያይዳ ዲሞባቆሜ ናንጊና ናንጋ ጎዳኮ ቦንቾና ቢታንቶና ዛሎ ጋላታ ሺኢሹ ሺኢዲህ ዛላ ኬኤዛያኮ።
ማፃኣፕላ ዲማ ዲማ ዓርቄ ባኮ

ዲሞባቆሜ ፑርቴ ባኮ ዛሎ የኦሲ የኦጩህረና የኦሲ ማሂ ማሂያ (1:1—2:4)

ጎሞ ዓሶይዳ ዋጊንቴ ዋጊያ (2:5-20)

ዲሞባቆሜኮ ሺኢዲያ (3:1-19)

1 ናንጊና ናንጋ ጎዳ ፔ ማሊያ ኬኤዛ፣ ዲሞባቆሜም ፔጋሲ ዳዋ ቃኣላ ሃካፓ ዴማ ዓኣህከ።-

ፒዜ ዋጌ ባይቁህረ ዲሞባቆሜ ዖይህ

2 ናንጊና ናንጋ ጎዳሂዮ! ኔ ማኣዳንዳጉዲ ኑ ዒላታዛ ኔኤኒ ዋይዙዋኣሂ ዓይዲ ሄላንዳኣናዳይ? «ጌኔ ማዶ ኑ ዑፃ ሚርጌ» ጌይ ኑ ዒላታዛ ኔ ኑና ዓውሱዋኣሂ ዓይዲ ሄላንዳኣናዳይ?

3 ሃያ ቢያ ፑርቶ ባኮ ዓይጋ ኔ ታና ዛጊሳይ? ሃሃሃ ሃይ ሄርቁንቴ ዋይያ ኑና ሄላኣና ኔ ዚቲ ጌይ ዛዛጋ? ሃኣዛጌ ዲቢ ባይሰንታንታ ሄርቁንቴ ዋርቁሂንታ ኑና ማንጌኔ፤ ዣሎና ማርሞና ዔቁባኣ ቤሲ ባኣሴ።

4 ዋጌ ሹሌዔኔ፤ ፒዜ ዋጌ ዋጊህያ ዋቤኔ፤ ዩይ ዋጋ ዋቤህረ ጎሞ ዓሳ ኮዦ ዓሶ ማንጊ ዋኣዪሳኔ።

ናንጊና ናንጋ ጎዳ ማሂ ኬኤዜህ

5 ዩካፓ ናንጊና ናንጋ ጎዳ ዳሮም ሂዲ ጌዔኔ፡- «ሂንዳ ዲንሢኮ ኮሮይዳ ዓኣ ሜሌ ዳሮ ዛጉዋቲ፤ ዲንሢም ጴዳ ባኮ ቢያ ዲቃቲ ሄርቡዋቲ፤ ያኣኒ ኬኤዜቲያ ጉሙርቃኒ ዲንሢ ዳንዳዑዋ፤ ዲቃሢ ሄርቡሳ ባኣዚ ዲንሢ ዋዶና ታ ማዳንዳኔ።

6 ዓካሪ፡ ዬያቶ ዓሲም ሚጨንቱዋያና ሩኡራያ ማዔ ባብሎኔ ዓሶ ታኣኒ ዲንሢዳ ዔቁሳንዳኔ፤ ዔያታ ዔያቶ ዓጨ ማዒባኣ ዓጮ ቢያ ያሊ ዋልቄና ዓርቃኒ ዲማ ዲማ ዓጮ ሃንታኔ።

7 ዔያታ ዲጊቺ ዲቃሣያኬ፤ ጊንሣ ሃሣ ዔያታ ፔ ቦንቾ ሌሊ ካፒሳንዳ ዋጌ ኬሳኔ።

8 «ፓራሢ ዔያቶኮ ማኣኪዳፓ ባሼ ሩኡራያኬ፤ ዲሚና ሃንታ ያኣዮይዳፓ ባሼ ዲጊቻያኬ፤ ዔያቶኮ ፓራሢና ያላ ዓሳ ሃኬይዳፓ ሳጋሪ ሙካኔ፤ ዓርቁ ዔኪ ሙዓኒ ዓዳ ኮኦከጉዲ ባራናኔ።

9 «ዔያቶኮ ያሎ ያላ ዓሳ ቢያ ጌኔ ማዶ ማዶኒ ቤርቲም ጎዓኔ፤ ዔያቶኮ ዓኣፖ ካራ ዓባ ኬሰካ ዛላፓ ዠባርቫ ዠባርጉዲ ሚቻኔ፤ ዔያታ ዲዒ ዔካ ዓሶዋ ማኣቫላጉዲ ቡኩሳኔ።

10 ካኣቶ ዔያታ ቶኦቻኔ፤ ሜሌ ዓጮ ሱኡጎዋ ዔያታ ሚሚኢጫኔ፤ ዋርዲዮ ቤዞ ቢያ ዛጊ ቦሂሢና ሚኢጫኔ፤ ዬያ ዋርዲዮ ቤዞኮ ዑኪሢ ዓጨ ኩሊ ዓሶ ዔያታ ዓርቃኔ።

11 ዩካፓ ቢያ ባኮ ዓልጎ ዠባራጉዲ ዔያታ ፒዒ ዔኪ ዳንዳኔ፤ ዬያታ ዋልቆ ፔኤሲ ያኦሲ ማሂ ዛጋ ዓሳ ዳቢንቲ ዓሲኬ።»

ፒዜ ዋጋ ዋቤሢር ዲሞናሚ ለሚ ያዬ ያዪያ

12 ናንጊና ናንጋ ጎዳ ማዔ ታ ያኣዛሢዮ! ኔኤኒ ሚናኣፓ ዓርቃዖ ዓኣያ፡ ዲማዴያኬ፤ ኔኤኒ ኑና ካፓሢር ኑኤኒ ሃይቃዓኬ፤ ኑና ዓኣቻ ካያሢዮ! ኑ ጎሞሮ ዔያታ ኑና ሜታሳንዳጉዲ ባብሎኔ ዓሶ ኑ ዑፃ ዔቁሲ፤ ቢታንቶዋ ዔያቶም ዲንጌሢ ኔናኬ።

13 ዓኣፓ ኔኤኮ ኮሺ ጌኤሺ ማዔሢር ፑርታ ባኣዚ ዛጋኒ ኔ ዓኣፖም ኮሸኩዋሴ፤ ኔኤኒያ ፑርታ ባኣዚ ማዶጎታኣና ዛጋኒ ኔኤም ጊኢጉዋያኬ፤ ሂዳዮ፡ ሃንሢ ዋይዞ ዲፃ ፑርቶንሢ ዋዲ ኔኤኒ ዚቲ ጌይ ዛጋይ? ፑርቶ ዓሳ ዔያቶይዳፓ ባሼ ኮሺ ማዔ ዓሶ ባይዛኒ ዔቃኣና ዛጊ ኔኤኒ ዚቲ ጋጋዓ?

14 ዓሶ ኔኤኒ ባዞ ሞላሢንታ ሱኡጌባኣ፤ ዳዶና ጎቺንቲ ሃንታ ማዠንቶንታጉዲ ማሃሢ ዓይጎርዳይ?

15 ባብሎኔ ዓሳ ዳሮ ዓንጊ ኪሬና ሞላሢ ጎይዖ ዓርቃኔ፤ ሮኦጮ ማላ ፒራሢ ሱዞና ጎቺ ዔኪ፤ ቡኩሶ ቤዛ ቡኩሳኔ፤ ዬያ ማዲያና ዔያታ ዋዛዲ ዒላቫኔ።

1:5 ዳኪ. ማዶ 13:41።

16 የቶርቂ ዔይታ ናንጋንዳጉዲ ማሃያና ሙዎ ባአዚ ቢያ ዔይቶም ዴንቁሳሣሪ ርኦጮ ማላ ፒራሣ ሱዞም ዒንጎ ባአዚ ሺኢሻኔ፡ ዑንጄያ ዔይታ ጩቢሻኔ።

17 ዓካሪ ዬይ ዓሳ ርኦጮ ማላ ፒራሣ ሱዞ ሃርፒ ሃርፒ፡ ሚጪንቴባአያ ኮኡኮ ዳሮ ዔይታ ዎዲ ጋፒሲ ጋፒሲ ናንጋንዳያ ኮይሳ?

2

ናንገና ናንጋ ጎዳ ማሂ ኬኤዜ ባኮ

1 ታኣኒ ዳይ ካፖ ካፓ ቤዛ፡ ኬኤሎ ዲያ ዑፃ ዓኣ ቤዛ ኬሰኪ ዔቃጎዳኔ፤ ዒኢካ ናንገና ናንጋ ጎዳ ታኣም ዎዚ ጌይ ኬኤዛቴያ፡ ታ የኦጪያኮዎ ዎዚ ጌይ ማሃቴ ዎይዛኒ ካፓጎዳኔ።

2 ናንገና ናንጋ ጎዳ ታኣም፡- «ታ ኔኤም ፔጋሲ ዳዎ ባኮ ፃኣፔ፤ ሜታሱዎየ ናባቢንታንዳጉዲ ሳሌዳይዳ ፃኣፔ፤

3 ዓይጎሮ ጌዔቴ ሃይ ታኣኒ ፔጋሲ ዳዎ ባካ ዳካ ዎይ ኔጋንዳኔ፤ ዬይ ኬኤዛሣ ማዲንቴ ኩማንዳ ኬሎኬ፤ ሉኡቁዎያኬ፤ ኔጌያ ማዔታቴያ ካፔ፤ ጎኔና ሙካንዳኔ፡ ኔጋባኬ።

4 የቶርቂ ዓሳ ዛጌ፤ ማሊፃ ዔይቶሲ ፒዜቴዎሴ፤ ፃሎ ዓሳ ጋዓንቴ ጉሙርቁሣና ናንጋንዳኔ» ጌዔኔ።

ፑርቶ ዓሳ ሎኦማንዳሣ

5 ጎኔና ቆሎ ሚርገሣ ዓሲ ጌጌሻኔ፤ ቆሎም ጎጋይቃ ዓሲ የቶርኬ፡ ፔቴ ቤሰካ ሃውሽ ዴዑዎሴ፤ ሃይቢና ዲኡፒና «ታኣም ጌዴኔ» ጌይሣ ዔሩዎኣሣጉዲ ዬይ ዓሳ «ኮኡም ጌዴኔ» ጌይሣ ዔሩዎኣሴ፤ ዬያሮኬ ዔይታ ካኣቶ የሊ ዓርቃሣና ዳሮዎ ዲዒ ዔካሣ።

6 ዓሲ ቢያ ዬያጉዴ ዓሳይዳ ቁኤዳና ዓኣቺሣ ዓኣቻዎ፡- «ኔኤሮቴዎ ባኮ ቡኩሳሣዮ ኔና ሳዴዔ! ዓይሣ ማሂ ዔኪንቴ ባአዚና ኔኤኒ ኔና የርጎቻሣ ዓይዲ ሄላንዳኣናዳይ?» ጋዓንዳኔ።

7 ዒንሣ ዒንሣኮ ጋሌ ዓሲ ማሂ ሜታሳ ዓሳ፡ ዔርቲባአንቴ ዔቂ ዒንሣ ጋሌ ዓሲ ማሂ ጎቃይሳንዳኔ፤ ዬያ ሌሊቴዎንቴ ቆሎዎ ዒንሣኮ ዔይታ ቡራንዳኔ።

8 ዒንሣ ሚርጌ ዓሳኮ ቆሎ ቡሬሣሪ ዔይቶይዳፓ ዓቴ ዓሳ ዒንሣኮ ቆሎ ቡራንዳኔ፤ ዬይ ያዲ ማዲንታንዳሣ ዒንሣ ዓሳ ዎዴሣሮ፡ ዓጮንታ ካታሞንታ ዒኢካ ናንጋ ዓሳ ጋፒሲ ዒንሣ ባይዜሣሮኬ።

1:16 2ካኣቶ. ማ 24:2። 2:3 ዔ.ብ. 10:37። 2:4 ሮሜ 1:17፤ ጋሊ. 3:11፤ ዔ.ብ. 10:38።

9 ሜታ ሄሉዋጉዲ ፔኤኮ ናንጎ ቤዞ ጴጌ ዲኮ ቶኦካ ማዠሂና ሞገባኣ ካራና ዔኤቢ ዔከ ፔኤኮ ማኣሮ ማዠሂም ባዴዔ!

10 ጌኔ ማለሂ ማለ ቱከ ሚርጌ ዓሲ ዎዲሂና ቦርሲንቲ ኔ ማኣሪ ኔኤኒ ዔከ ሙከኔ፤ ናንጎዎ ኔኤኮ ኔኤኒ ሜቶም ከሲ ጌሂኔ።

11 ሹጮና ማዠሂ ማኣሮኮ ኮጫ ዓኣ ሹጮንታ ሚያና ኮሺንቲ ቱርቱርንታ ዒንሂ ማከ ጌሰታንዳኔ።

12 ዓሲ ዎዲ ካታሞ ማዠሂ፣ ዳቢንቲናኣ ጴኤፒ ካታማ ማዠሂ ዓሶ ዒንሂም ባዴዔ!

13 ዓሳ ማዳ ባካ ታሚና ሚጫንዳጉዲ፣ ካኣታ ለቢንታ ባኮዎ ዔኤቢ ፓሡዋያ ማዓንዳጉዲ ማዳሂ ቢያ ባኮ ዎይሂ ጎዳቱዋዓዳ?

14 ባዚ ዋኣሂና ኩሚያ ማዔ ጎይያ ዓጫ ቢያ ናንጊና ናንጎ ጎዳኮ ቦንቾ ዔሪሂና ኩሚያ ማዓንዳኔ።

15 ዑሂ ካለጴም ዛጋኒ ኔ ለጋሂም ካፄ ዑሺ ዒንጋሂና ዒዚ ማሂንታንዳያ ሄለንዳኣና ዒዛ ዑሻሂኮ ኔና ባዴዔ!

16 ኔኤኒ ኔ ቶኦኪና ዑሽኪ ማሂንቲ ቱንጊንቃንዳኔ፤ ኔኤያ ቦንቹንቶንዳ ቤዞ ዳውሲንታንዳኔ፤ ናንጊና ናንጎ ጎዳ ጴኤፒ ዳጋ ዑሺ ኔና ዑሻንዳኔ፤ ቦንቹንቶ ኔኤኮ ዳውሲንቲ ባንሂ ሺርሻንዳኔ።

17 ለባኖኦሴ ዲኮይዳ ኔ ማዳ ጌኖ ማዳ ኔና ባይዛንዳኔ፤ ዒኣካ ናንጎ ቦየ ኔ ዎዲ ባይዘሂ ኔና ዲቃሂንዳኔ፤ ዩይ ያዲ ማዓንዳሂ ዓሲ ኔ ዎዴሂ፣ ዓጮንታ ካታሞንታ ዒኣካ ናንጎ ባኮዎ ቢያ ኔ ባይዘሂሮኮ።

18 ዓካሪ፣ ሜሌ ያኣዛ ዓይጎ ማኣዳይ? ዩይ ዓሲ ፔ ኩቻ ቃርፂ ኮሼ ባኣዚኮ፤ ሉኡዙሞይዳፓ ዓታዛ ዔያቶይዳፓ ዓይጌያ ጴዲሞሴ፤ ሂዳያ ዩያ ቃርፂ ኮሼ ዓሂ ዔኤቢ ጋዓኒ ዳንዳዑዎ ዩያ ሜሌ ያኣዛ ጉሙርቃሂ ዒዛ ዓይጎ ማኣዳሞዛይ?

19 ሚያይዳፓ ዓርሲንቲ ኮሺንቲ ባኮ፡- «ዳጩ!»፣ ሹጮ ቆኦቁ ኮሻናሂያ፡- «ዔቆ!» ጋዓሂኮ ኔና ባዴዔ! ሜሌ ያኣዛ ዓኣሺንቲ ባኣዚ ፔጋሲ ኔኤም ዔርዛኒ ዳንዳዓ? ሜሌ ያኣዛ ቢራ ዓንጊና ዎርቁና ጳርቁ ኮሻናኮ፤ ዑኡሲ ዔካ ሹምፔ ጋዓንቲ ዔቶኮ ባይያ ባኣሴ።

20 ናንጊና ናንጎ ጎዳ ፔኤኮ ዲማዴ ጌኤኮ ማኣሮ ዓኣኔ፤ ዩያሮ ዓጫ ዴራ ቢያ ዒዛ ቤርታ ዚቲኮ ጎየም።

3

ዲሞባቆሜኮ ሺኢዲያ

1 ዲ.ግ.ጳ.ሜ. ዓይኑሞና ያኑሲ ሺኢቁ ሺኢዲፃ ያዲ ጋዓያኩ፦

2 ናንጊና ናንጋ ጎዳሢዮ! ኔኤኒ ማዴ ዲቃሢ ሄርሺሳ ባኮ ቢያ ታኣኒ
 ዋይዚ ሚርጌና ዒጊጩኔ፤

ሃሢ ኑ ዋዶና ሚናኣ ማዴ ኔኤኮ ላሚ ማዴ፤
 ቢያ ዋዶና ዔርቲ ናንጋንዳጉዲ ማሄ፤
 ኔኤኒ ዳጋዳ ዋዶናታዎ ሚጨንቲዎ ኔኤኮ ኑጊዳፓ ሃኪሲፖ።

3 ያኑሲ ፔኤኮ ዲማዲያና ቲማኔ ዓጮና
 ፓኣራኔ ዲኩናፓ ላሚ ሙካንዳኔ፤
 ዴኤፖ ቦንቻ ዒዛኮ ጨሬንጮ ዓኣቸኔ፤
 ጋላታኣ ዒዛሲ ሳዎ ኩሜኔ።

4 ፖዓ ዒዛሲ ዓቢጉዴያኩ፤
 ዋልቆ ዒዛኮ ካንቁ ዓኣ ኩጮፓ
 ሸኤራ ፖዒ ፖዓኔ።

5 ዋዳ ዶርዓሢ ዒዛኮ ቤርታ ቤርታ ዒ ዳካኔ፤
 ሃይቢያ ዒዛሞ ዓይሢንቲ ዒዛ ጊንዎ ሙካኔ።

6 ዒዚ ዔቃዛ ሳዓ ዓጊፃኔ፤
 ዒዚ ዛጋዛ ሜሌ ዴራ ጎጋይቃኔ፤
 ሚናኣፓ ዓኣ ዳካ ዲኣማዲ ዶዓኔ፤
 ሚናንካፓ ዓርቃዎ ዒዚ ሃንታ ጌሜራ
 ሊካ ዓርዲ ባይቃኔ።

7 ዒቶጲያ ዴራ ማታዳንቲ
 ሚዲያሚ ዓሳ ጎጋይቃንቲ ታ ዛጌኔ።

8 ናንጊና ናንጋ ጎዳሢዮ! ኔኤኮ ፓራሢንታ ሳርጌሎ ያይቶንታ
 ባሻንዳጉዲ ኔ ማዴ ዋዶና
 ኔኤኮ ዴኤፖ ዳጋ ዋርይዳዳ?
 ጊንሣ ሃሃ ባዘይዳ ኔኤኒ ዳጋዲያ?

9 ሂኢዮ ኔኤኮ ኔኤኒ ካቲላፓ ኬሴኔ፤
 ዲካኒያ ኔኤኒ ዓኣሣኔ፤
 ሳዎ ኔኤኒ ዳርዚ ዋርዚ ማገፍኔ።

10 ዳካ ኔና ዛጋዎ ዒጊቹሞና ጎጋይቁኔ፤
 ዒር ዲጳኣ ሳዎ ፒዒ ዓኣዴኔ፤
 ዴኤፖ ባዛ ጉኡሚ ዋይዚንቲኔ፤
 ባዘ ጉዳሢያ ለካ ዴግ ዴግ ጌዔኔ።

11 ኔኤኮ ዲከንታ ሂኢዮንታ
 ዜኤሊንሢጉዲ ፖዓ ዋርዎ ፖዓፃፓ ዔቁያና

- ዳቦንታ ዳጊኖንታ ዓኣ ቤዛ ዔቄኔ።
- 12 ሳያይዳ ኔኤኒ ባይዛ ባኮና ዔቄኔ፤
 - ኔኤኮ ደኅና ማሌ ዳሮ ኔኤኒ ሄርቄኔ።
- 13 ዳሮ ኔኤኮ ዓውሳኒ፣ ኔኤኒ ዶኦሚ ካኣታህ ካኣቲ ዓውሳኒ ኔኤኒ ከሰከኔ፤
 - ኅሞ ዓሶኮ ሱኡጋህ ኔኤኒ ሄርቄኔ፤
 - ዒዛና ዎላ ዓኣ ዓሶ ኔኤኒ ባይዚ ካሎ ኔ ዓይሴ።
 - ቶካፓ ቶኦኮ ሄላንዳኣና ዒዛ ኔኤኒ ካላሴ።
- 14 ዓልጎ ዠባራጉዲ ኑና ላኣላኒ ሙኾ
 - ያሎ ዓሶኮ ሱኡጋህ ዒዛ ሂኢዠና ኔኤኒ ዶኩኔ።
 - ላሴ ቆልሞ ጫሃኒ ዓፃዳ ቦፖጉዲ
 - ዒዚ ዓኣሺንቲ ዓኣ ማንቆንህ ባይዛኒ ገኢኤ።
- 15 ኔኤኒ ኔ ፓራህና ባዞ ሄርቃኣና
 - ዬይ ዳኤፖ ባዞ ዓፃጊፃ።
- 16 ዬያ ቢያ ታ ዎይዛኣና ዒና ታኣኮ ዲቃቲ፤
 - ሙሱራ ታኣኮ ዒዛ ዑኡዞ ዎይዞ ጎጋይቃ፤
 - ዒጊቹማ ዳንዲ ታኣኮ ማጌፆ ጋሮ ጌሌ፤

ቶካኣ ታኣኮ ጎጋይቄ፤
 ኑና ሚታሳ ዳሮ ዑፃ ሚታ ሙካንዳያ ሄላንዳኣና
 ዬኖ ከሎ ገቢ ዳንዳዒህና ታኣኒ ካፓንዳ።

- 17 ቤሌሶ ሚፃ ዎዚ ቡኒባኣያታቲያ
 - ዎይኖ ዑያይዳ ዓኣፒ ባኣያ ማዔቲያ
 - ሃህ ሪሚቶ ሚፃኣ ዓኣፒ ባኣታቲያ
 - ኅዠ ጋራ ካፃ ሃኣኮ ባይቄያታቲያ
 - ማራታ ቢያ ሃይቄ ጋፔታቲያ
 - ባርቶ ጋራ ባይ ባኣያታቲያ፤
- 18 ዬይ ቢያ ማዔቲያ ታኣኮ ናንገና ናንጋ ጎዳ ዓኣህሮ ታ ዎዛዳንዳ፤
 - ታ ፆኦዛህ፣ ታኣኮ ዳኤሻህ ዓኣህሮ ታ ዒላሻንዳ።
- 19 ናንገና ናንጋ ጎዳ ማዔ ፆኦዛህ ታኣኮ ዎልቃህኬ፤
 - ዒዚ ቶኮ ታኣኮ ዎሾ ሹቁለጉዲ ዶዲሻ፤
 - ዒዚ ታና ዲኮ ዑያይዳ ሃንታንዳጉዲ ማኣዳ።

3:19 2ሳሙ. 22:34፤ ዓይኑ. 18:33።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929